

Sud Sound System

"Intro"

Visit "[Intro](#)" on MotoLyrics.com

Treble 'Ncete na radice ca de la terra ne trase
direttamente intra lu core poi passa intra lu sangu
e ae manu intra la manu cull'ossigenu agnasciu e
comu l' ossigenu te dae la vita sta radice te dae
l'anima.

Chieu nu tegnu bisognu cu la sentu intra de mie , ulia
cu la senti puru tie perch'e' te isciu ca sbatti de na parte
all'aura senza cu sai a ddhru stai e a ddhru sta bai.
Fuecu intra de tie ca lu ceppune de la radice nu se
stuta cchiui. Ca na terra po' bessere puru povera ma
poi tocca guardi ce sorta de alberi de ulia ca ncete e ce
vigne pe lu mieru niuru niuru comu lu niuru maru e la
marvasia. Puru nui imu crisciuti de intra sta terra, ci de
na manera e ci de n'aura ci ha sciutu alla scola,ci alla
conza,
ci allu tabaccu ci a tutte parti e ci a nuddhra,
quarchetunu se n'ha sciutu quarchetunu ha turnatu e
'ncete puru ci torna ogni tantu perche' lu focu de lu
Salentu nu se l'ha scerratu. Ca poi la vita de ognunu e'
diversa ci ete masculu e ci ete fimmina, ci tene la
cuagnona e ci nu la troa mai, ci la tene beddhra e ci la
tene racchia, ci stae a quai ci stae a ddhrai, ci fatia e ci
nu fatia,ci viaggia e ci nu viaggia, ci nu ha bistu ca la
chiesa de lu paise, chi chiange li morti e ci ni face la
bara, ci pe fatia tocca se inne l'anima e ci te spara e te
scunne de lu sole ca te ene la voglia cu te perdi e ci
lassi stare cu bai a Nord cu bbiti ce se po' fare ma poi
sentì a 'ngiru ca si cane meridionale allora capisci ca
prima o poi hai turnare ca quista e' terra noscia e nu ne
l' annu ruinare ne' mafia ne' stato criminale.

Visit [Sud Sound System](#) page on MotoLyrics.com, to get more lyrics and videos.